

A Mesa do Parlamento, na súa sesión do día 17 de xullo de 2024, adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

4. Administración do Parlamento

4.3. Asuntos económicos e contratación

4.3.b) Prórroga do contrato administrativo de servizo para a realización dunha auditoría de seguridade, a realización de auditorías técnicas periódicas, a implantación dun sistema de xestión de seguridade da información, a correlación de eventos e a elaboración dun plan de formación (lote 1: Auditoría de seguridade e revisión normativa) (expte. STI-PA-8/2021)

1. O contrato foi adxudicado mediante Acordo da Mesa do Parlamento de 4 de abril de 2022, e formalizado o 6 de maio do 2022, entrando en vigor ese mesmo día; ten unha duración dun ano dende a data da sinatura da acta de recepción da implantación, polo tanto, una duración inicial prevista ata o 31 de xullo de 2023.

2. Con data de 24 de maio de 2024 dende o Servizo de Réxime Interior do Parlamento de Galicia dirixiuse escrito de aviso de finalización da primeira prórroga á empresa .

CONSIDERACIÓNS LEGAIS

1.- O contrato ten carácter administrativo e se rexe polo establecido na Lei 9/2017, do 8 de novembro, de contratos do sector público (LCSP), e en canto non estea derogado, no Real Decreto 817/2009, do 8 de maio, que desenvolve parcialmente a Lei 30/2007, do 30 de outubro, de contratos do sector público e no Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas.

2.- Ao teor do artigo 29 da LCSP, a duración dos contratos do sector público deberase establecer tendo en conta a natureza das prestacións, as características do seu financiamento e a necesidade de someter periodicamente a concorrência a súa realización, sen prexuízo das normas especiais aplicables a determinados contratos.

Os contratos de servizos de prestación sucesiva terán un prazo máximo de duración de cinco anos, incluídas as posibles prórrogas que acorde o órgano de contratación.

O contrato poderá prever unha ou varias prórrogas sempre que as súas características permanezan inalterables durante o período de duración destas.

3.- A posibilidade da prórroga preveuse expresamente no prego de cláusulas administrativa desta contratación e tívose no seu momento en conta para a determinación do seu valor estimado e, polo tanto, para a elección do procedemento de adxudicación.

Servizo de Tecnoloxías da Información
Intervención Xeral e Asuntos Económicos
Servizo de Persoal e Réxime Interior



Ao tenor da cláusula terceira do contrato, a duración do contrato estenderase un ano desde a formalización da acta de recepción da implantación, podendo ser obxecto de prórroga polos períodos sucesivos que acorde a Mesa do Parlamento ata un máximo de tres anos máis.

4.- O contrato consta das seguintes prestacións:

- 1.- Implantación SXSI
- 2.- Auditoría e revisión normativa
- 3.- Servizo SXSI

As prestacións relativas a implantación SXSI e auditoría e revisión normativa están realizadas, recepcionadas e pagadas, polo que unicamente resta o servizo SXSI, polo tanto, a única prestación obxecto do contrato que pode ser prorrogada é a relativa ao servizo de soporte e mantemento para atender a plataforma SXSI (ePULPO).

O prezo anual do contrato respecto da prestación que procede prorrogar é de 9.680,00 €, IVE engadido, segundo o seguinte detalle:

- Prezo anual: 8.000,00 €
- IVE (21%): 1.680,00 €
- Total: 9.680,00 €

Segundo a cláusula segunda do contrato, o prezo non pode ser obxecto de revisión, polo tanto no caso de prórroga, o prezo seguirá sendo o mesmo.

5.- Segundo manifesta o Servizo de Tecnoloxías da Información, que considera necesaria a renovación deste contrato, as tarefas do contrato consisten na realización do soporte e mantemento do SXSI (ePULPO), polo que se emite informe favorable á súa prórroga con data de 1 de xullo de 2024.

6. Consta no expediente certificados, nesta data, de estar ao corrente de débedas tributarias coa Axencia Estatal e coa Axencia Tributaria de Galicia, e de débedas coa Seguridade Social.

7. Dado que a prestación obxecto do contrato se esta realizando con normalidade e seguen vixentes as necesidades que se pretendían cubrir co contrato, e polo tanto, as razóns de interese público que xustificaron o inicio deste expediente de contratación.

8. Visto o informe de legalidade e o informe de conformidade da intervención da Cámara, no que se indica que se trata dunha prestación imputable aos exercicios 2024-2025, sendo o prezo anual do contrato para o tempo de prórroga indicado o seguinte:

- 2024: 4.033,34 €
- 2025: 5.646,66 €

Polo que a Mesa adopta o seguinte ACORDO:

1º) Prorrogar o contrato para a servizo de soporte e mantemento para atender a plataforma SXSI (ePulpo), adxudicado a BABEL SISTEMAS DE INFORMACION, S.L., ata o 31 de xullo de 2025, inclusive.

Servizo de Tecnoloxías da Información
Intervención Xeral e Asuntos Económicos
Servizo de Persoal e Réxime Interior



2º) Notificarlle este acordo á empresa.

3º) Comunicarlles este acordo ao Servizo de Tecnoloxías da Información, ao Servizo de Persoal e Réxime Interior e á Intervención e Asuntos Económicos.

4º) Publicar o acordo no perfil do contratante do Parlamento de Galicia.

Santiago de Compostela, 18 de xullo de 2024

Xosé Antón
Sarmiento Mendez,
Letrado Oficial Maior

Firmado digitalmente por Xosé Antón
Sarmiento Mendez, Letrado Oficial Maior
Nombre de reconocimiento (DN): cn=Xosé
Antón Sarmiento Mendez, Letrado Oficial
Maior,
email=x.sarmiento@parlamentodegalicia.gal
Fecha: 2024.07.18 14:05:26 +02'00'

Xosé Antón Sarmiento Méndez
Letrado oficial maior

Servizo de Tecnoloxías da Información
Intervención Xeral e Asuntos Económicos
Servizo de Persoal e Réxime Interior



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 19/07/2024 11:01:36
Nº Rexistro: 1895
Data envío: 19/07/2024 11:01:36.434

Xosé Antón Sarmiento Mendez, Letrado Oficial Maior na data 18/07/2024 14:05:26

CSV: REXISTRO-JEPXAHD-8
Verificación:
<https://sede.parlamentodegalicia.gal/tramites/csv/>

